

程

曾子建集目錄

卷第七

頌九首

皇子生頌

玄俗頌

母儀頌

明賢頌

孔子廟頌



學官頌

社頌

宜男花頌

冬至獻襪頌

贊二十九道

庖犧贊

女媧贊

神農贊

黃帝贊

少昊贊

顓頊贊

帝嚳贊

帝堯贊

帝舜贊

夏禹贊

殷湯贊

湯禱桑林贊

周文王贊

周武王贊

周公贊

周成王贊

漢高帝贊

漢文帝贊

漢景帝贊

漢武帝贊

姜嫄簡狄贊

禹妻贊

班婕妤贊

吹雲贊

赤雀賦贊

巢父贊

務光贊

商山四皓贊

三鼎贊

銘二首

承露盤銘 有序

寶刀銘

曹子建集卷之五

頌九首

皇子生頌

王充論衡曰古之帝王建鴻德者須鴻筆之臣褒頌紀德也
劉勰曰四始之至頌居其極頌者容也所以美盛德而述形容也

於聖我后、憲章前志、克纂二皇、三靈昭事、祇肅
郊廟、明德敬忌、潛和積石、鍾天之釐、嘉月令辰、
篤生聖嗣、慶由一人、萬國作嘉、喁喁萬國、岌岌
群生、稟命我后、綏之則榮、長為臣職、終天之經、
仁聖奕代、永載明明、同年上帝、休祥淑禎、藩臣

作頌光流德聲吁嗟卿士祇承予聽

玄俗頌

玄俗妙識。飢餌神穎。在陰倏游。卽陽無景。逍遙北嶽。凌霄引領。揮霧昊天。含神自靜。

母儀頌

殷湯令妃。有莘之女。仁教內修。度儀以處。清謐后宮。九嬪有序。伊爲媵臣。遂作元輔。

明賢頌

於鑠姜后。光配周宣。非禮不動。非禮不言。晏起失朝。永巷告愆。王用勤政。萬國以虔。

孔子廟頌

修復舊廟。豐其薨宇。莘莘學徒。爰居爰處。王教旣備。群小遄沮。魯道以興。永作憲矩。洪聲登遐。神祇來祐。休徵雜沓。瑞我邦家。內光區域。外被荒遐。

學官頌

沈嘉則曰。神來祐。恕不可開之宣父。

李獻吉曰。無字不玄。固是玄俗頌。

李獻吉曰偏揭
三字何故豈隨
手拈着不須審
擇文人之恣橫
乃爾

自五帝典絕三皇禮廢應期命世齊賢等聖者
莫高於孔子也故有若曰出乎類拔乎萃誠所
謂性與天道不可得而聞矣

由也務學名在前志宰予晝寢糞土作誠過庭
子弟詩禮明記歌以詠言文以騁志予今不述
后賢曷識於鑠尼父生民之傑性與天成該聖
備藝德倫三五配皇作烈玄鏡獨鑑神明昭晰
仁塞宇宙志凌雲霓學者三千莫不俊乂唯仁

是憑惟道足恃鑽仰彌高請益不已

社頌

於惟太社官名后土是曰勾龍功著上古德配
帝王寔為靈主克明播植農正曰社尊以作稷
豐年是與義與社同方神北宇建國承家莫不
攸叙

宜男花頌

草號宜男既曄且貞其貞伊何惟乾之嘉其曄

風俗通共工
氏有子曰勾
龍氏平水土
故記以為社

禮記周弁播
百穀以稷百
穀之長因以
稷名其神

賦形
蔣仲舒曰肖物
風土記云鹿
蕙宜男艸也

高六七尺。若
如蓮。宜懷妊
婦人佩之。必
生男。
稽含曰。宜男
多植幽。臯曲
隱沈約詩曰。
野馬不任騎。
兔絲不任織。
既非中野花。
無堪廣麋食。

伊何綠葉丹花。光采晃曜。配彼朝日。君子耽樂。
好和琴瑟。固作螽斯。惟立孔臧。福濟大姒。永世
克昌。

冬至獻襪頌

玉趾既御。履和蹈貞。行與祿邁。動以祥并。南闕
北戶。西巡王城。翱翔萬域。聖體浮輕。

贊二十九道

庖犧贊

木德風姓。八卦創焉。龍瑞官名。法地象天。庖厨
祭祀。網罟魚畋。琴瑟以像。時神通玄。

女媧贊

古之國君。造簧作笙。禮物未就。軒轅纂成。或云
二皇。人首蛇形。神化七十。何德之靈。

神農贊

外記載女媧
與庖犧同母
共滅共工。斫
鼈足之四極。
聚蘆灰止滔
水。于是地平
天成。

少典之胤。火德承木。造爲耒耜。遵民播穀。正爲
雅琴。以暢風俗。

黃帝贊

少典之孫。神明聖哲。土德承火。赤帝是滅。服牛
乘馬。衣裳是制。雲氏名官。功冠五帝。

少昊贊

祖自軒轅。青陽之裔。金德承土。儀鳳帝世。官鳥
號名。殊職別系。農正扈氏。各有品制。

顓頊贊

昌意之子。祖有軒轅。始誅九黎。水德統天。以國
爲號。風化神宣。威暢八極。靡不祗虔。

帝嚳贊

祖自軒轅。玄囂之裔。生言其名。才德帝世。撫寧
天地。神聖靈察。教弭四海。明並日月。

帝堯贊

大德統位。父則高辛。克平其工。萬國同塵。調適

以雲紀官。得
六相。崑尤明
天道。太常察
地利。蒼龍辨
東方。祝融辨
南方。大封辨
西方。后土辨
北方

顓頊初國高
陽。又號高陽
氏

陰陽其惠如春。巍巍成功。配天則神。

帝舜贊

顓頊之族重瞳神聖。克協頑瞽。應唐涖政。除凶舉俊。以齊七政。應曆受禪。顯天之命。

夏禹贊

吁嗟天子。拯世濟民。克卑宮室。致孝鬼神。蔬食薄服。黻冕乃新。厥德不回。其誠可親。亶亶其德。溫溫其人。尼稱無間。何德之純。

殷湯贊

殷湯代夏。諸侯振仰。放桀鳴條。南面以王。桑林之禱。災災克償。伊尹佐治。可謂賢相。

湯禱桑林贊

惟殷之世。炎旱七年。湯禱桑林。祈福于天。翦髮離爪。自以為牲。皇靈感應。時雨以零。

周文王贊

於赫聖德。寔惟文王。三分有二。猶服事商。化加

虞芮傍暨四方。王業克昭。武嗣遂光。

周武王贊

桓桓武王。繼世滅殷。咸任尚父。且作商臣。功冒四海。救世濟民。天下宗周。萬國是賓。

周公贊

成王卽位。年尚幼稚。周公居攝。四海慕利。罰叛柔服。祥應仍至。誦長反政。達夫忠義。

周成王贊

在周公贊前

成王繼武。賢聖保傳。年雖幼稚。岐嶷有素。初疑

周公。終焉克寤。旦奭佐治。遂致刑錯。

漢高帝贊

屯雲斬蛇。靈母告祥。朱旗旣抗。九野披攘。禽嬰克羽。掃滅英雄。承機帝世。功著武湯。

漢文帝贊

孝文卽位。愛物儉身。驕吳撫越。匈奴和親。納諫赦罪。以德讓民。殆至刑錯。萬國化淳。

陳明卿曰尚論
二祖而曰光武
其優乃高祖有
贊而不及世祖
何歎

漢景帝贊

景帝明德繼文之則、肅清王室、克滅七國、省役薄賦、百姓殷昌、風移俗易、齊美成康。

漢武帝贊在景帝贊前

世宗光光、文武是攘、威振百蠻、恢拓土疆、簡定律曆、辯修舊章、封天禪土、功越百王。

姜嫄簡狄贊

嚳有四妃、子皆爲王、帝摯且崩、堯承天綱、玄鳥

大跡殷周、美祥稷契、旣生翊化、虞唐

禹妻贊

禹妻塗山、土功是急、惟啟之生、過門不入、矯達明義、勲庸是執、成長望嗣、大祿以襲。

斑婕妤贊

有德有言、寔惟斑婕、盈冲其驕、窮悅其厭、在漢夷貞、在晉正接、臨颺端幹、衝霜振葉。

吹雲贊

天地變化是生神物吹雲吐潤浮雲翕鬱

赤雀賦贊

西伯積德天命攸顧赤雀銜書爰集昌戶瑞為天使和氣所致嗟爾後王昌期而至

巢父贊

堯禪許由巢父是耻穢其溷聽臨河洗耳池主是讓以水為濁嗟此三士清足厲俗

務光贊

湯將伐桀謀於卜子既聞讓位隨以為耻薄於殷世著自汙已自投潁水清風邈矣

商山四皓贊

嗟爾四皓避秦隱形劉項之爭養志弗營不應朝聘保節全貞應命太子漢嗣以寧

三鼎贊

鼎質之精古之神器黃帝是鑄以像太上能輕能重知凶識吉世衰則隱世和則出

堯讓天下於許由以步巢父洗耳于清冷之水樊仲父牽牛飲之見巢父洗耳乃驅牛還恥令牛飲其下流也

外記云四皓者皆河內軹人秦時政虐乃退而作歌曰莫高山深谷逶迤擘紫芝可以療飢唐虞世遠吾將安歸駟馬高蓋其憂甚大富貴之畏人不如貧賤之肆志因共

入高維隱地
昨山

李獻考曰制度
規畫較若指掌

銘二

承露盤銘 有序

明帝鑄承露盤莖長十二丈本圍上盤逕四尺
下盤逕五尺銅龍達其根龍身長一丈背負兩
子自立於上林園甘露乃降使臣爲頌銘銘曰
岌岌承露峻極太清神君礪魄洪基嶽停下潛
醴泉上受雲英和氣四充翔風所經匪我明君
孰能經營近歷纏度三光朗明殊俗歸義祥瑞

混并鸞鳳晨棲甘露宵零神物攸協高而不傾
奉天戴魏恭統神器固若露盤長存永貴賢聖
繼跡奕世明德不忝先功保茲皇極垂作億兆
永荷天秩

寶刀銘

造茲寶刀既礪既礪匪以尚武予身是衛麟角
是觸鸞距匪蹶

曹子建集目

卷八

章二道

改封陳王謝恩章

封二子爲公謝恩章

表十八首增補二道

初封安鄉侯表

謝妻改封表



自試表

求自試表

仁首
有附錄

陳審舉表

增補

復發士息表

增補

諫伐遼東表

獻壁表

獻文帝馬表

上牛表

謝鼓吹表

求通親親表

慶文帝受禪表

二首

上卞太后誄表

上責躬詩表

謝賜柰表

龍見表

冬至獻襪頌表

上先帝賜鎧表

令二首

黃初五年令

黃初六年令

曹子建集卷之六

章二首

改封陳王謝恩章

臣既弊陋守國無効。自分出削。以彰衆誠。不意天恩滂霈。潤澤橫流。猥蒙加封。茅土既優。爵賞必重。非臣虛淺所宜奉受。非臣灰身所能報答。

封二子爲公謝恩章

詔書封臣息男苗爲高陽鄉公。志爲穆鄉公。臣
伏自惟文無升堂廟勝之功。武無摧鋒接刃之
効。天時運幸得生貴門。遇以親戚。少荷光寵。竊
位列侯。榮曜當世。顧影慙形。流汗反側。洪恩罔
極。雲雨增加。旣榮本榦。枝葉并蒙。苗志小豎。旣
頑且稚。猥荷列爵。並佩金紫。施崇所加。惠及父
子。

表

十八首增補二首

初封安鄉侯表

臣抱罪卽道。憂惶恐怖。不知刑罪。當所限齊。陛
下哀愍。臣身不聽有司所執。待之過厚。卽日於
延津受安鄉侯印綬。奉詔之日。且懼且悲。懼於
不修。始違憲法。悲於不慎。速此貶退。上增陛下
垂念。下遺太后。見憂。臣自知罪深責重。受恩無
量。精魄飛散。忘軀殞命云。

釋名曰下言
上曰表思之
于內表施于
外也

○謝妻改封表

璽書今以東阿王妃爲陳王妃并下印綬因故
上前所假印以其拜授書以卽日到臣輒奉詔
其才質伍下謬同受私遇寵素餐臣爲其首陛
下體乾坤育物之德東海含容之大乃復隨例
顯封大國光揚章灼非臣負薪之才所宜克當
穢黷所宜蒙獲夙夜憂歎念報罔極洪施遂隆
旣榮枝幹猥復正臣妃爲陳妃光耀宣朗非妾

東海一作滄
海

婦○蠢○愚○所○當○蒙○被○葵○藿○草○物○猶○感○恩○養○况○臣○含○
氣○銜○珮○弘○惠○歿○而○後○已○誠○非○翰○墨○屢○辭○所○能○

李獻吉曰朴然有玄致

自試表

李獻吉曰子建
一文人耳慨然
有澄清天下之
想雖力或未逮
而其志足嘉果
其試之未知當
列何品

臣聞士之美永生者非徒以甘食麗服宰割萬
物而已將有以補益羣生尊主惠民使功存於
竹帛名光於後嗣今臣文不昭於俎豆武不習
於干戈而竊位藩王施祿東夏消損天日無益
聖朝淮南尚有山竄之賊吳會猶有潛江之虜
使戰士未獲歸於農畝五兵未得收於武庫蓋
論者不耻謝善戰者之羞去夫凌雲者泥蟠者

伸一作甲

也。後伸者先屈者也。是以神龍以為德尺蠖以
求伸。昔湯事葛文王事犬夷。固仁者能以大事
小。若陛下明哲之使。繼能陸賈之蹤者。使之江
南。發愷悌之詔。張日月之信。開以降路。權必奉
承。聖化斯不疑也。

王槐野曰氣恬神王石集中別是一種文字

○ ○ ○ 求自試表二首

大和二年植還雍正常自憤抱利器而無所施上疏求自試

何大復曰此篇氣格稍縮弱而詞旨反覆自稱作家
郭明龍曰風雲之志令人曠首
陳明卿曰二語為臣子若一服急藥

臣植言。臣聞士之生世。入則事父。出則事君。事
父尚於榮親。事君貴於興國。故慈父不能愛無
益之子。仁君不能畜無用之臣。夫論德而授官
者。成功之君也。量能而受爵者。畢命之臣也。故
君無虛授。臣無虛受。虛授謂之謬舉。虛受謂之
尸祿。詩之素餐。所由作也。昔二虢不辭兩國之
任。其德厚也。且真不讓燕魯之封。其功大也。今

被一作彼

陳明卿曰為此二方誤憤

臣蒙國重恩三世于今矣正值陛下升平之際
沐浴聖澤潛潤德教可謂厚幸矣而位竊東藩
爵在上列身被輕煖口厭百味目極華靡耳倦
絳竹者爵重祿厚之所致也退念古之受爵祿
者有異于此皆以功勤濟國輔主惠民今臣無
德可述無功可紀若此終年無益國朝將挂風
人被^彼已之譏是以上慙玄冕俯愧朱綬方今天
下一統九州晏如顧西尚有違命之蜀東有不

繳音勺
吳國倫曰高鳥
涸魚喻吳蜀二
主

劉向說苑云
越甲至齊雍
門狄請死王

臣之吳使邊境未得稅甲謀士未得高枕者誠
欲混同宇內以致太和也故啟滅有扈而夏功
昭成克商奄而周德著今陛下以聖明統世將
欲卒文武之功繼成康之隆簡良授能以方叔
召虎之臣鎮衛四境為國爪牙者可謂當矣然
而高鳥未挂於輕繳淵魚未懸於鈎餌者恐鈞
射之術或未盡也昔耿弇不俟光武亟擊張步
言不以賊遺於君父也故車右伏劍於明轂雍

不許對曰臣聞昔王田于園左轂鳴車右請死王曰此工師之罪對曰臣不見工師之乘而見其鳴吾君也遂死今越甲至其鳴吾君豈左轂下哉車右可死左轂而臣獨不可死越甲耶遂死越甲聞而退

融表同
汪道昆曰植慕曹生終軍空言無補故終身罔所建立

緇一作須

門○刎○首○於○齊○境○若○此○二○子○豈○惡○生○而○尚○死○哉○誠○忿○其○慢○主○而○凌○君○也○夫○君○之○寵○臣○欲○以○除○患○興○利○臣○之○事○君○必○殺○身○靖○亂○以○功○報○主○也○昔○賈○誼○弱○冠○求○試○屬○國○請○係○單○于○之○頸○而○制○其○命○終○軍○以○妙○年○使○越○欲○得○長○纓○占○其○王○羈○致○北○闕○此○二○臣○者○豈○好○為○夸○主○而○曜○世○俗○哉○志○或○鬱○結○欲○逞○其○才○力○輸○能○於○明○君○也○昔○漢○武○為○霍○去○病○治○第○辭○曰○匈○奴○未○滅○臣○無○以○家○為○夫○憂○國○忘○家○捐○軀

固

濟○難○忠○臣○之○志○也○今○臣○居○外○非○不○厚○也○而○寢○不○安○席○食○不○遑○味○者○以○二○方○未○尅○為○念○伏○見○先○帝○武○臣○宿○兵○年○耆○卽○世○者○有○聞○矣○雖○賢○不○乏○世○宿○將○舊○卒○由○習○戰○也○竊○不○自○量○志○在○授○命○庶○立○毛○髮○之○功○以○報○所○受○之○恩○若○使○陛○下○出○不○世○之○詔○效○臣○錐○刀○之○用○使○得○西○屬○大○將○軍○當○一○校○之○隊○若○東○屬○大○司○馬○統○偏○師○之○任○必○乘○危○蹈○險○騁○舟○奮○驪○突○刃○觸○鋒○為○士○卒○先○雖○未○能○擒○權○馘○亮○庶

率一作卒

榮一作策

唐荆川曰植不以擒叔截亮自必又不孽群魚一吐胃中之奇徒云身分首懸此真浮華之士中無偉畧者

陳明卿曰余極喜子建文然比陳孔璋文于畫犬而增朝士於

養豕亦開文字罵人一案矣

王遵巖曰孔明嘗稱魏武行兵倣佛孫武植自負用兵得之先武皇帝六過矣晉語魏顆以身退秦師于輔氏其勲銘於景鍾又唐韓愈詩不使功名上景鍾

絕纓楚莊事盜馬秦穰事趙則未聞蓋

將虜其雄率殲其醜類必效須臾之捷以滅終身之愧使名掛史筆事列朝榮雖身分蜀境首懸吳闕猶生之年也如微才弗試沒世無聞徒榮其軀而豐其體生無益於事死無損於數虛荷上位而忝重祿禽息鳥視終於白首此徒罔牢之養物非臣之所志也流聞東軍失備師徒小劔輟食忘餐奮袂攘袵撫劍東顧而心已馳於吳會矣臣昔從先武皇帝南極赤岸東臨滄

海西望玉門北出玄塞伏見所以行師用兵之勢可謂神妙矣故兵者不可豫言臨難而制變者也志欲自効於明時立功於聖世每覽史籍觀古忠臣義士出一朝之命以殉國家之難身雖屠裂而功勲著於景鐘名稱垂於竹帛未嘗不撫心而歎息也臣聞明主使臣不廢有罪故奔北敗軍之將用而秦魯以成其功絕纓盜馬之臣赦而楚趙以濟其難臣竊感先帝早崩威

以秦亦趙姓
故互文以避
上秦字耳

陳明卿曰仁君
不能畜無用之
臣

何大復曰未有
此一陵便見忠
懷不則成技癢
矣

陳明卿曰多無
用之臣耶國宰
之養物耶

王棄世臣獨何人以堪長久常恐先朝露填溝
壑墳土未乾而身名並滅臣聞騏驥長鳴伯樂
昭其能盧狗悲號韓國知其才是以効之齊楚
之路以逞千里之任試之狡兔之捷以驗搏噬
之用今臣志狗馬之微功竊自惟度終無伯樂
韓國之舉是以於悒而竊自痛者也夫臨博而
企竦聞樂而竊抃者或有賞音而識道也昔毛
遂趙之陪隸猶假錐囊之喻以寤主立功何況

巍巍大魏多士之朝而無慷慨死難之臣乎夫
自銜自媒者士女之醜行也干時求進者道家
之明忌也而臣敢陳聞於陛下者誠與國分形
同氣憂患共之者也冀以塵霧之微補益山海
熒燭末光增輝日月是以敢冒其醜而獻其忠
必知為朝士所笑聖主不以人廢言伏惟陛下
少垂神聽臣則幸矣

沈嘉則曰其神情鬱勃而辭氣委蛇

附錄

沈嘉則曰臨淄之才只一立言便足不朽何必立功立德方可垂名而此猶以

不見用為疑吁亦太苦矣

魏畧曰、植雖上此表、猶疑不見用、故曰、夫人貴生者、非貴其養體好服、終竟年壽也、貴在其代天而理物也、夫爵祿者、非虛張者也、有功德然後應之、當矣、無功而爵厚、無德而祿重、或人以為榮、而壯夫以為耻、故太上立德、其次立功、蓋功德者、所以垂名也、名者不滅、士之所利、故孔子有夕死之論、孟軻有棄生之義、彼一聖一賢、豈不願久生哉、志或有不展也、是用喟然求試、必立功也、嗚呼、言之未用、欲使後之君子、知吾意者也、

陳明卿曰子建
文甚有骨其人
亦不弱
李獻吉曰東阿
每思自効固是
赤心然終不免
為才使魏文之
不重用雖曰猜
忌殆亦有見于
此歎

增補

○○○陳審舉表

臣聞天地協氣而萬物生。君臣合德而庶政成。
五帝之世非皆智。三季之末皆非愚。用與不用。
知與不知也。既時有舉賢之名。而無得賢之實。
必各援其類而進矣。諺曰。相門有相。將門有將。
夫相者。文德昭者也。將者。武功烈者也。文德昭
則可以匡國朝。致雍熙。稷契夔龍是也。武功烈

又曰君臣遇合
踈逖且然何況
天潢奕亦自有
數存焉固不待
以親疎論也

沈嘉則曰條析
縷：當事者聞
之自宜猛省

鼪渾昆二音
鼪音宥

則○可○以○征○不○庭○廣威○四○夷○南○仲○方○叔○是○矣○也昔○伊○尹
之○為○勝○臣○至○賤○也○呂○尚○之○處○屠○釣○至○陋○也○及○其
見○舉○於○湯○武○周○文○誠○道○合○志○同○玄○謨○神○通○豈○復
假○近○習○之○薦○因○左○右○之○介○哉○書○曰○有○不○世○之○君
必○能○用○不○世○之○臣○用○不○世○之○臣○必○能○立○不○世○之
功○殷○周○二○王○是○矣○若○夫○齷○齷○近○步○遵○常○守○故○安
足○為○陛○下○言○哉○故○陰○陽○不○和○三○光○不○暢○官○曠○無
人○庶○政○不○整○者○三○司○之○責○也○墻○場○騷○動○方○隅○內

侵○沒○軍○喪○衆○于○戈○不○息○者○邊○將○之○憂○也○豈○可○虛
荷○國○寵○而○不○稱○其○任○哉○故○任○益○隆○者○負○益○重○位
益○高○者○責○益○深○書○稱○無○曠○庶○官○詩○有○職○思○其○憂
此○其○義○也○陛○下○體○天○真○之○淑○聖○登○神○機○以○繼○統
奠○聞○康○哉○之○謠○偃○武○行○文○之○美○而○數○年○以○來○水
旱○不○時○民○困○衣○食○師○徒○之○發○歲○歲○增○調○加○之○東
有○覆○敗○之○軍○西○有○殪○沒○之○將○至○使○蚌○蛤○浮○翔○於
淮○泗○鼪○鼪○謹○譁○於○林○木○臣○每○念○之○未○嘗○不○輟○食

李獻吉曰親睦九族三代以來享國長久率是道也而文帝不悟自弱其幹以致司馬檀權大物傾墜子建屢言之要不徒自為計也

而揮餐臨觴而搯腕矣。昔漢文發代疑朝有變。宋昌曰內有朱虛東牟之親外有齊楚淮南琅琊此則磐石之宗願王勿疑臣伏惟陛下遠覽姬文二號之援中慮周成召畢之輔下存宋昌磐石之固昔騏驥之於吳阪越可謂困矣及其伯樂相之孫郵御之形體不勞而坐致千里取蓋伯樂善御馬明君善御臣伯樂馳千里明君致太平誠任賢使能之明效也昔段干木修德於閭

閭秦師為之輟攻而文侯以安穰苴授節於邦境燕晉為之退師而景公無患皆簡德尊賢之所致也若朝司惟良萬機內理武將行師方難克弭陛下可得雍容都城何事勞動鑿駕暴露於邊境哉臣聞羊質虎皮見草則悅見豺則戰忘其皮之虎也今置將不良有似於此故語曰患為之者不知知之者不得為也昔樂毅奔趙心不忘燕廉頗在魏思為趙將臣生乎亂長乎

王元美曰千古同病

沈嘉則曰臨淄
文章獨擅千古
孫吳之略恐非
所長無得湯自
誇獎

王元美曰語
肝腸

李獻吉曰長沙
之涕

軍又數承教于武皇帝。伏見行師用兵之要。不
必取孫吳而闇與之合。竊揆之於心。常願得一
奉朝覲。排金門。蹈玉陛。列有職之臣。賜須臾之
問。使臣得一散所懷。攄舒蘊積。死不恨矣。被鴻
臚所下發士息書。期會甚急。又聞豹尾已建。戎
軒驚駕。陛下將復勞玉躬。擾挂神思。臣誠竦息。
不遑寧處。願得策馬執鞭。首當塵露。撮風后之
竒。接孫吳之要。追慕卜商。起予左右。效命先軀。

畢命輪轂。雖無大益。冀有小補。然天高聽遠。情
不上通。徒望青雲。而拊心仰高天。而歎息耳。屈
平日國有驥而不知乘焉。皇皇而更索。昔管蔡
放誅。周召作弼。叔魚陷刑。叔向匡國。三監之釁。
臣自當之二南之輔。求必不遠。華宗貴族。藩王
之中。必有應斯舉者。故傳曰。無周公之親。不得
行周公之事。唯陛下少留意焉。近者漢氏。廣建
藩王。豐則連城數十。約則饗食祖祭而已。未若

蔣仲舒曰古來
忠義之士或在
公族或在異姓
子建此論不無
偏畸

李獻吉曰可出
之朝堂者亦可
榜之都門子建
固能自信

姬周之樹國。五等之品制也。若扶蘇之諫。始皇
淳于越之難。周青臣可謂知時變矣。夫能使天
下傾耳注目者。當權者是矣。故謀能移主。威能
懾下。豪右執政。不在親戚。權之所在。雖疏必重。
勢之所去。雖親必輕。蓋取齊者田侯。非呂宗也。
分晉者趙魏。非姬姓也。惟陛下察之。苟吉擅其
位。凶離其患者。異姓之臣也。欲國之安。祈家之
貴。存其榮。沒同其禍者。公族之臣也。今反公

族疏而異姓親。臣竊惑焉。臣聞孟子曰。君子窮
則獨善其身。達則兼善天下。今臣與陛下踐冰
履炭。登山浮澗。寒溫燥濕。高下共之。豈得離陛
下哉。不勝憤懣。拜表陳情。若有不合。乞且藏之。
書府不便。滅棄臣死之後。事或可思。若有豪釐
少挂聖意者。乞出之朝堂。使夫博古之士。糾臣
表之不合義者。如是。則臣願足矣。

王槐野曰。橫襟而談鋒之所至。可掃千軍。是盡

吐其胸中憤氣

增補

○○○復發士息表并序此表嘉靖本製

時大發士息及取諸國士植以近前諸國士息已見發其遺孤稚弱在者無幾而復被取乃上書曰

臣聞古者聖君與日月齊其明四時等其信是以戮凶無重賞善無輕怒若驚霆喜若時雨恩不中絕教無二體以此臨朝則臣下知所處矣

李獻吉曰五息
之漢于朝廷未
必有補倘有乘
其不備東藩一
旦有失罪將誰
屬夫亦君臣之
不相信以至於
此

劉會孟曰有兵
如此何異無兵

受任在萬里之外。審主之所以授官。必已之所
以投命。雖有構會之徒。泊然不以爲懼者。蓋君
臣相信之明效也。昔章子爲齊將。人有告之反
者。威王曰。不然。左右曰。王何以明之。王曰。聞章
子不改葬。死母彼尚不欺。死父顧當叛。生君乎。
此君之信臣也。昔管仲親射桓公。後幽囚。從魯
檻車載使。少年挽而送齊。管仲知桓公之必用
已。懼魯之悔。謂少年曰。吾爲汝唱。汝爲和聲。和
聲宜走。於是管仲唱之。少年走而和之。日行數
百里。宿昔而至。至則相齊。此臣之信君也。臣初
受封策書曰。植受茲青社。封于東土。以屏翰皇
家。爲魏藩輔。而所得兵百五十人。皆年在耳順。
或不踰矩。虎賁官騎。及親事。凡二百餘人。正復
不老。皆使年壯。備有不虞。檢校乘城。顧不足以
自救。况皆復耄耄。罷曳乎。而名爲魏東藩使。屏
翰王室。臣竊自羞矣。就令諸國。國有士子。合不

李獻吉曰魏文
覽及亟宜停止
不狀豈惟空籍
且國幾無民矣

過五百人。伏以爲三軍益損。不復賴此。方外不
定。必當須辦者。臣願將部曲。倍道奔赴。夫妻負
襁。子弟懷糧。蹈鋒履刃。以徇國難。何但習業小
兒哉。愚誠以揮涕增河。鼯鼠飲海。於朝萬無損
益。於臣家計。甚有廢損。又臣士息前後三送。兼
人已竭。惟尚有小兒七八歲已上。十六七已還。
三十餘人。今部曲皆年耆。卧在牀席。非糜不食。
眼不能視。氣息裁屬者。凡三十七人。疲瘵風靡。

龐盲聾瞶者。二十三人。惟正須此小兒。大者可
備宿衛。雖不足以禦寇。粗可以警小盜。小者未
堪大使。爲可使耘鋤穢草。驅獲鳥鵲。休候人。則
一事廢。一日獵。則衆業散。不親自經營。則功不
攝。常自躬親。不委下吏而已。陛下聖仁。恩詔三
至。士子給國長。不復發明。詔之下。有若皦日。保
金石之恩。必明神之信。晝然自固。如天如地。今
習業者。並復見送。晝若晝晦。悵然失圖。伏以爲

沈嘉則曰為陳
思策計莫善于
此而卒不能效
武數子豈名心
猶未盡歟

陛下既爵臣百寮之右居藩國之任為置卿士
屋名為宮冢名為陵不使其危居獨立無異於
凡庶若伯成欣於野耕子仲樂於灌園蓬戶茅
牖原憲之宅也陋巷單瓢顏子之居也臣才不
見效用常慨然執斯志焉若陛下聽臣悉還部
曲罷官屬省監官使解璽釋紱追伯成子仲之
業營顏淵原憲之事居子臧之廬宅延陵之室
如此雖進無成功退有可守身處之日猶松喬
也然伏度國朝終未肯聽臣之若是固當羈絆
於世繩維繫於祿位懷屑屑之小憂執無已之
百念安得蕩然肆志逍遙於宇宙之外哉此願
未從陛下必欲崇親親篤骨肉潤白骨而榮枯
木者惟遂仁德以副前恩

李獻吉曰魏文制待諸藩法甚峻迫所給兵衛數不
滿二百又皆殘老子建以前過復減其半可謂侵削
極矣至此後有士息之族則剝膚之愒夫誰并之雖
上書詔還而不亦大不仁矣

陳明卿曰簡淨
似西漢人議事

李猷吉曰克之
無益不拔有損
熱腸為之灰冷

○ ○ 諫伐遼東表

臣伏以遼東負阻之國。勢便形固。帶以遼海。今
輕車遠攻。師疲力屈。彼有其備。所謂以逸待勞。
以飽待飢者也。以臣觀之。誠未易攻也。若國家
攻之。而必克。屠襄平之城。懸公孫之首。得其地。
不足以償中國之費。虜其民。不足以補三軍之
失。是我所獲不如所喪也。若其不拔。曠日持久。
暴師於野。然天時不測。水濕無常。彼我之兵。連

陳明卿曰曉事
之言

李獻吉曰深計
遠慮洞晰淵微
鑿、老成后畫

陳明卿曰請自
試表慷慨諫伐
表沉毅

於城下進則有高城深池無所施其功退則有
歸途不通道路纖好東有待釁之吳西有何隙
之蜀吳越東南荆揚騷動蜀應西境則雍涼三
分兵不解於外民罷困于內促耕不解其飢疾
蠶不救其寒夫渴而後穿井飢而後殖種可以
圖遠難以應卒也臣以為當今之務在於省徭
役薄賦歛勤農桑三者既備然後令伊管之臣
得施其術孫吳之將得奮其力若此則太平之
基可立而待康哉之歌可坐而聞曾何憂於二
敵何懼於公孫乎今不息邦畿之內而勞神於
蠻貊之域竊為陛下不取也

郭明龍曰諫伐遼東一表指陳利害一、中窾至於
省徭役薄賦歛勤農素豈惟當今急務抑亦萬世經
國宏謨

李獻吉曰二語
無味之味讀者
當為深省

獻璧表

臣聞玉不隱瑕。臣不隱情。伏知所進。非和氏之
璞。萬國之幣。璧為充貢。

獻文帝馬表

臣於先武皇帝世。得大宛紫驃一疋。形法應圖。
善持頭尾。教令習拜。今輒已能。又能行與鼓節。
相應。謹以表奉獻。

上牛表

臣聞物以洪珍細亦或貴故不見焦僥之微不知決滂之泰不見果下之乘不別龍馬之大高下相懸所以致觀也謹奉牛一頭不足追遵大小之制形少有殊敢不獻上

謝鼓吹表

許以簫管之樂榮以田游之嬉陛下仁重有虞恩過周旦濟世安宗寔在聖德

求通親親表

明帝五年上

臣植言臣聞天稱其高者以無不覆地稱其廣者以無不載日月稱其明者以無不照江海稱其大者以無不容故孔子曰大哉堯之為君惟天為大惟堯則之夫天德於萬物可謂弘廣矣蓋堯之為教先親後疎自近及遠其傳曰克明峻德以親九族九族既睦平章百姓及周之文王亦崇厥化其詩曰刑于寡妻至于兄弟以御

李于鱗曰植欲使諸國慶問四節得展第危言諷文帝聽諸王入朝是矣何但求婚媾遺膏沐不無狹而私私然其文悲酸切至寔出至情能敷骨肉者覽之必為泣狀郭明龍曰揚光霽采不詭自闕命時之豪

又曰有源委

族一作親

于家邦。是以雍雍穆穆。風人詠之。昔周公弔管
蔡之不咸。廣封懿親。以藩屏王室。傳曰。周之宗
盟。異姓為後。誠骨肉之恩。爽而不離。親親之義。
寔在敦固。未有義而後其君。仁而遺其親者也。
伏惟陛下。資帝唐欽明之德。體文王翼翼之仁。
惠洽淑房。恩昭九族。羣臣百僚。番休遞上。執政
不廢於公朝。下情得展於私室。親理之路。通慶
弔之情。展誠可謂。恕已治人。推惠施恩者矣。至

陳明卿曰我躬
不閱遑恤我後
深于極者也子
建有風人之旨
矣

於臣者。人道絕緒。禁錮明時。臣竊自傷也。不敢
過望。交氣類修。人事叙人倫。近且婚媾不通。兄
弟永絕。吉凶之間。塞慶弔之禮。廢恩紀之違。甚
於路人。隔閔之異。殊於胡越。今臣以一切之制。
永無朝覲之望。至於注心皇極。結情紫闈。神明
知之矣。然天實為之。謂之何哉。退省諸王。常有
戚戚具爾之心。願陛下沛然垂詔。使諸國慶問。
四節得展。以叙骨肉之歡恩。全怡怡之篤義。妃

又曰雅人之語
雅人之致

又曰汲黯以忠
直願入禁闥植
以文章願侍左
右各有所好

郭明龍曰此寸
人之所搔首者
也

杞梁妻哭夫
城為之崩鄒
衍繫獄仰天
而哭正夏隕
霜

郭明龍曰語復
依入

妾之家膏沐之遺歲得再通齊義於貴宗等惠
於百司如此則古人之所歎風雅之所詠復存
於聖世矣臣伏自惟省無錐刀之用及觀陛下
之所拔授若以臣為異姓竊自料度不後於朝
士矣若得辭遠遊戴武弁解朱組佩青綬駙馬
奉車趣得一號安宅京室執鞭珥筆出從華蓋
入侍輦轂承荅聖問拾遺左右乃臣丹情之至
願不離於夢想者也遠慕鹿鳴君臣之宴中詠

棠棣匪他之誠下思伐木友生之義終懷蓼莪
罔極之哀每四節之會塊然獨處左右唯僕隸
所對惟妻子高談無所與陳發義無所與展未
嘗不聞樂而拊心臨觴而歎息也臣伏以為犬
馬之誠不能動人譬人之誠不能動天崩城隕
霜臣初信之以臣心况徒虛語耳若葵藿之傾
葉太陽雖不為之迴光然終向之者誠也臣竊
自比葵藿若降天地之施垂三光之明者寔在

揚用脩曰此轉
結處逢生情致
悽惋

陛○下○臣○聞○文○子○曰○不○爲○福○始○不○爲○禍○先○今○之○否
隔○友○于○同○憂○而○臣○獨○唱○言○者○何○也○竊○不○願○於○聖
代○使○有○不○蒙○施○之○物○有○不○蒙○施○之○物○必○有○慘○毒
之○懷○故○栢○舟○有○天○只○之○怨○谷○風○有○棄○予○之○歎○伊
尹○耻○其○君○不○爲○堯○舜○孟○子○曰○不○以○舜○之○所○以○事
堯○事○其○君○者○不○敬○其○君○者○也○臣○之○愚○蔽○固○非○虞
伊○至○於○欲○使○陛○下○崇○光○被○時○雍○之○美○宣○緝○熙○章
明○之○德○者○是○臣○悽○悽○之○誠○竊○所○獨○守○寔○懷○鶴○立

企○佇○之○心○敢○復○陳○聞○者○冀○陛○下○儻○發○天○聰○而○垂
神○聽○也○

李獻吉曰臨淄以醉酒悖慢痛自刻責負鉄鎖徒跣
詣闕下帝念同氣此可什然于懷矣而卒不膺眷顧
讀此一表悽其惋切感慨淋漓雖為諸王唱言終之
求自試幸懷感憤而嗟嗟乎子建雖一時之窮然千
姝萬世而後寧融發子建卦

季獻吉曰此表
慶文帝而寔宣
揚魏武累仁積
德所致若後表
則皆就文帝播
宣矣

慶文帝受禪表二首

陛下以聖德龍飛、順天革命、允荅神符、誕作民
主、乃祖先後、積德累仁、世濟其美、以暨於先王、
勤恤民隱、劬勞勩力、以除其害、經營四方、不遑
起處、是用隆茲福慶、光啟于魏、下承統業、贊戎
前緒、克廣德音、綏靜內外、紹先周之舊跡、襲文
武之懿德、保大定功、海內爲一、豈不休哉、

慶文帝受禪表

陛下以明聖之德、受天顯命、良辰卽祚、以臨天下、洪化宣流、洋溢宇內、是以普天率土、莫不承風欣慶、執贄奔走、奉賀闕下、况臣親體至戚、懷歡踊躍。

上卞太后誄表

大行皇太后資坤元之性、體載物之仁、齊美姜嫄等德、任姒佐政、內朝惠加四海、草木荷恩、含氣受潤、庶鍾元吉、承育萬祚、何圖一旦、早棄明朝、背絕臣庶、悲痛靡告、臣聞名以述德、誄尚及哀、是以冒越諒闇之禮、作誄一篇、知不足讚揚名貴、以展臣蓼莪之思、憂荒情散、不足觀采、晉左九嬪上元皇后誄表曰、伏惟聖善宣慈、仁洽

王遵嚴曰暴秦
玄謚法曰無使
子謚父臣議君
夫既可以謚則
其誅也固宜

六宮含弘光大德潤四海竊聞之前志卑不誅
尊少不誅長楊雄臣也而誅漢后班固子也而
誅其父皆以述揚景行顯之行竹帛豈所謂三代
不同禮隨時而作者乎

○上責躬詩表

黃初四年植朝京師時所上

王遵嚴曰先從
歸藩叙起有原
委

臣植言臣自抱蒙歸藩刻肌刻骨追思罪戾晝
分而食夜分而寢誠以天網不可重罹聖恩難
可再恃竊感相鼠之篇無禮遄死之義形影相
弔五情愧赧以罪棄生則違古賢夕改之勸忍
垢苟全則犯詩人胡顏之譏伏惟陛下德象天
地恩隆父母施暢春風澤如時雨是以不別荆
棘者慶雲之惠也七子均養者鳴鳩之仁也舍

李于鱗曰徘徊
恩澤不敢自棄
照前夕改胡顏
二意

罪責功者明君之舉也。矜愚愛能者慈父之恩也。是以愚臣徘徊於恩澤而不敢自棄者也。前奉詔書，臣等絕朝心，離志絕，自分黃耆，永無執圭之望。不圖聖詔猥垂齒召，至止之日，馳心輦轂僻處西館，未奉闕庭踊躍之懷，瞻望反側，不勝犬馬戀主之情。謹拜表并獻詩二首，詞旨淺末，不足採覽，貴露下情，冒顏以聞。

謝賜柰表

卽日殿中虎賁宣詔，賜臣等冬柰一奩，柰以夏熟。今則冬生，物以非時爲珍，恩施以口爲厚，非臣等所宜荷之。

陳仁子曰魏有
何德而致鳳皇
黃龍之應夫安
知禎祥之非妖
孽耶抑亦貢諛
者之為塗飾耶

龍見表

臣聞鳳凰復見於鄴南黃龍雙出於清泉。聖德
至理以致嘉瑞。將棲鳳於林園。參龍於陂池。為
百姓旦夕之所觀。

冬至獻襪頌表

伏見舊儀國家冬至獻履貢襪。所以迎福踐長。
先臣或為之頌。臣既玩其嘉藻。願述朝慶。千載
昌期。一陽嘉節。四方交泰。萬物昭蘇。亞歲迎祥。
履長納慶。不勝感節。情繫帷幄。拜表奉賀。并獻
紋履七。量襪若干副。上獻以聞。謹獻。

上先帝賜鎧表

先帝賜臣鎧黑光明各一領、兩當鎧一領、今代以平、兵革無事、乞悉以付鎧曹自理、

令二首

○黃初五年令 二令列在第十卷

夫遠不可知者天也、近不可知者人也、傳曰、知人則哲、堯猶病諸、諺曰、人心不同、若其面焉、惟女與小人為難養也、近之則不遜、遠之則有怨、詩云、憂心悄悄、愠于羣小、自世間人、或受寵而背恩、或無故而入叛、違顧左右、曠然無信、大嚼者作斷其舌、右手執斧、左手執鉞、傷夷一身之

陳明卿曰俱從
西漢文鑠鍊出
未體嚴重而不
走

中尚、有、不、可、信。况、於、人、乎。唯、無、深、瑕、潛、釁、隱、過。
匿、愆、乃、可、以、爲、人。諺、曰、穀、千、駑、不、如、養、一、驢、穀。
駑、養、虎、大、無、益、也。知、韓、昭、侯、之、弊、袴、良、有、以、也。
使、臣、有、三、品、有、可、以、仁、義、化、者。有、可、以、恩、惠、驅。
者、不、足、以、導、之。則、當、以、刑、罰、復、不、足、以、率、之。則。
明、所、以、不、畜、故、唐、堯、至、仁、不、能、容、無、益、之、子、湯。
武、至、聖、不、能、養、無、益、之、臣。九、折、臂、知、爲、良、醫。吾。
知、所、以、待、下、矣。諸、吏、各、敬、爾、在、位。孤、推、一、槩、之。
平、功、之、宜、賞。於、疏、必、與、罪、之、宜、戮。在、親、不、赦。此。
令、之、行、有、若、皎、日。於、戲、羣、臣、其、覽、之、哉。

沈嘉則曰意致卓爾不群更多名論

嘉則曰淚自
以全恩遇
情多忘之
曰得以克
不有此耳

又黃初六年令

曰身體輕於鴻毛而謗重於泰山賴蒙帝王天地

之仁違百師之典議舍三千之首戾反我舊居
襲我初服雲雨之施焉有量哉孤以何功而納
斯貺富而不悛寵至不驕者則周公其人也孤
小人爾身更以榮爲戚何者將恐簡易之尤出
於細微脫爾之愆一朝復露也故欲修吾往業
守吾初志欲使皇帝恩在摩天使孤心常存此

地將以全陛下厚德。究孤犬馬之年。此難能也。
然固欲行衆之難。詩曰。德輶如毛。鮮克舉之。此
之謂也。

程